

UniMAP TERIMA MESIN ROBOT RM400 RIBU SYARIKAT WALTA

Pauh Putra, 31 Oktober – Universiti Malaysia Perlis (UniMAP) menerima dua robot ‘*Automatic Pick and Place Robot Machine*’ (APPRM) sumbangan Walta Engineering Berhad, di sini, hari ini.

Sumbangan bernilai RM400,000 itu adalah hasil kolaborasi universiti itu dengan syarikat kejuruteraan berkenaan sejak pertengahan 2017 menerusi Pusat Pengajian Kejuruteraan (PPK) Mekantronik.

Timbalan Naib Canselor Akademik dan Antarabangsa UniMAP, Prof Ir Dr Rezuwan Kamarudin berkata, kolaborasi itu mengadakan pertemuan lebih 10 kali sebelum ini bagi membincangkan penyelidikan dan pembangunan teknologi.

Katanya, empat pensyarah PPK Mekantronik menjalani sangkutan industri bersama pihak syarikat itu bagi menambah pengalaman praktikal pensyarah itu sendiri.

“Ia sekaligus membawa kepada penyumbangan dua mesin ini yang bakal digunakan untuk sangkutan industri, penyelidikan, pengajaran dan pembelajaran.

“Di samping itu, dua pelajar UniMAP juga bakal memanfaatkan mesin ini bagi menyiapkan projek tahun akhir mereka dengan mudah dan lancar,” katanya ketika berucap di majlis penyerahan mesin robot berkenaan.

Hadir sama, Dekan PPK Mekantronik Prof Madya Ir Dr Abu Hassan Abdullah, Pengarah Urusan Walta Grou, Goh Kheng Sneah, Pengarah Walta Group Ong Thean Lye dan dekan-dekan UniMAP.

Tambah Rezuwan, sangkutan industri amat penting bagi universiti bagi membolehkan pensyarah yang terlibat dapat memohon sebagai jurutera bertauliah '*Board of Engineers Malaysia*' (BEM).

“Antara projek kerjasama yang dijalankan oleh empat pensyarah itu ialah '*automatic waterjet fruit cutting and peeling machine*' serta kerjasama dalam bidang bioperubatan,” katanya.

Disediakan oleh,

Aininulniza Mohd Yusof

**Pegawai Perhubungan Media
Unit Komunikasi Korporat (UKK)
Universiti Malaysia Perlis**

CAPTION GAMBAR :

Meka5 – Rezuwan (tengah berjaket) menerima simbolik penyerahan mesin dari Pengarah Urusan Walta Group, Goh Kheng Sneah.

Meka9 – Goh berbual bersama empat pensyarah UniMAP sangkutan industri Walta Engineering.

Meka11 – Goh menerangkan fungsi mesin robot kepada Rezuwan (berjaket) dan Abu Hassan.